

Hakka - Sun-kîn - Healing Scriptures

Mâ-thai 4:23,24 Yâ-sû hàng-phien Kâ-li-li chhiòn-thi, chhai kok thi-fông ke fi-thòng kau-hiun ngìn, sién-chhòn thiên-koet ke fuk-yîm, yî-hó mìn-kiên tak-yong ke phiang. 24 Kì ke miàng-sâng chhòn-phien Si-li-â, só-yî ke-vi ke ngìn-mìn chiông kok-chúng ke phiang-ngìn, kîn-lit kok-yong thung-khú ke ngìn, chhiong pûn kúi fu-sûn ke, chû-mà-chhái ke, thân-fûng ke, chhiòn-phu tai-lòi kì mien-chhièn; kì lûng-chúng yî-hó kì-têu.

Mâ-thai 8:16,17 Lìm-am-é ke sù, yû-ngìn tai chhin-tô pûn-kúi fu-sûn ke ngìn lòi-kien Yâ-sû. Yâ-sû kóng yit-ki fa chhiu chiông kúi kiuk-chéu; kì ya yî-hó só-yû ke phiang-ngìn. 17 Kì án-ngiòng cho, he yin-ngiam sién-tî Yî-soi-â só-kóng ke: "Kì sùn-su ngài-têu ke ngoiôn-ngiok, tâm-tông ngài-têu ke phiang-thung."

Mâ-thai 9:35 Yâ-sû hàng-phien kok hiông-chún, chhai tak-ke fi-thòng kau-hiun ngìn, sién-chhòn thiên-koet ke fuk-yîm, yû yî-hó kok-chúng ke phiang.

Mâ-thai 10:1 Yâ-sû ham súp-ngi-ke hòk-sâng lòi, su kì-têu kiuk sià-lìn lâu yî kok-chúng phiang ke khièn-piang. (Mâ-kh'o 3:14,15)

Mâ-thai 10:8 Ngì-têu oi yî-hó phiang-ngìn, ham sí-ngìn fûk-fát, sú pot thái-kô ke ngìn chhiang-li, pin kiuk-kúi. Ngì-têu he phák-phák tet-tó ke, ya oi phák-phák pûn ngìn.

Mâ-thai 11:5 chhiu-he: Mô-muk-ke khon-tó, pài-kiok-ke hàng-lu, pot thái-kô ke tet-tó chhiang-li, ngí-lûng-ke thâng-tó, sí-ngìn fán-sâng, khiùng-khú-ngìn thâng-tó fuk-yîm. (Yî-soi-â 35:5)

Mâ-thai 12:15 Yâ-sû thâng-tó liá-ke sêu-sit, chhiu lì-khôi ke-vi, chhin-tô ngìn thèn-tén kì. Kì yî-hó ke-têu yû-phiang ke ngìn,

Mâ-thai 15:30 Chung-ngìn yû lòi chhím kì, ya tai-lòi pài-kiok-ke, mô-muk-ke, chhàn-chong ke, á-è, lâu hó-tô phét-yong ke phiang-ngìn, pài chhai Yâ-sû ke kiok-chhièn; Yâ-sû yit-yit yî-hó kì-têu.

Mâ-thai 17:20/21 Yâ-sû en-kóng: "Yîn-vi ngì-têu ke sin-sâm thet-se. Ngài sút-chhai lâu ngì-têu kóng, ngì-têu ke sin-sâm na-he yû yit-liáp kie-chhoi-chú án-thai, chhiu-he tui liá-chho sân kóng: 'Tui liá-vi sái-to ke-vi hi!' kì ya voi sái kohi. Mò má-ke sú he ngì-têu cho m-tó ke."

Mâ-kh'o 1:34 Yâ-sû yî-hó kok-chúng phiang-chún ke ngìn, ya kiuk-chéu chhin-tô kúi. Kì put-chún kúi kóng-fa, yîn-vi kì-têu tî kì he má-ngìn.

Mâ-kh'o 3:10 Yîn-vi kì yî-hó chhin-tô phiang-ngìn, só-yû pot-phiang ke ngìn chhiòn-phu sióng-oi chiâm-to thèu-chhièn lòi miâ kì.

Mâ-kh'o 6:5,6 Án-ngiòng, kì chhai ke-vi chhiu mò fap-thu hàng má-ke sùn-chiak, chú-yû on-sú chhai yit-têu phiang-ngìn ke sûn-song, lòi yî-hó kì-têu. 6 Yîn-vi ke-têu ngìn m-hén sin, kì kám-kok fî-sòng khì-koai. Yâ-sû ki-siük chhai fu-khiun tak-ke chhûn-chhông kau-hiun ngìn.

Mâ-kh'o 6:13 Kì-têu ya kiuk-chéu chhin-tô kúi, yung yù kò chhin-tô phiang-ngìn,

yî-hó kî-têu.

Mâ-kh'o 6:55,56 Chung-ngìn hàng-phien ke só-chhai, thâng-tó Yâ-sû chhai nai-vi, kî-têu chhiu chiông phiang-ngìn yung chhó-chhiâk kông-to kî mien-chhièn lòi. 56 Mò-lun Yâ-sû hi-to hiông-ha, sàng-tú, ya-he chhûn-chông, chung-ngìn chhiu chiông phiang-ngìn piong chhai kiê-lu, khiù Yâ-sû chún phiang-ngìn tân-chhiang miâ kî ke sâm-mî; só-yû miâ-tó ke ngìn chhiòn-phu tet-tó yî-hó.

Mâ-kh'o 8:23-25 Yâ-sû khiên mô-muk ke sú, tai kî to chhûn-chông ngoi-poi hi, phi héu-lân chhai kî ke muk-chû hong, yèn-heu on-sú chhai kî ke sût-song, mun kî kóng: "Ngì yû khon-tó tûng-sî mò?" 24 Kî ngo-thèu lòi khon, kóng: "Ngài yû khon-tó ngìn; kî-têu chhiong su-é, hàng-lòi hàng-hi." 25 Yâ-sû yu yung sú miâ kî ke muk-chû. Ke mô-muk-ke pak-khôi muk-chû lòi khon, chhiu vàn-chhiòn fî-fük, tak-yong tûng-sî khon-to chhîn-chhîn chhú-chhú.

Mâ-kh'o 9:29 Yâ-sû en-kóng: "Chú-yû kho khì-tó chang kiuk tet-chéu liá-chúng ke kúi, yî/ngoi mò phét ke phan-fap."

Mâ-kh'o 16:17,18 Sin ke ngìn voi yû hàng liá-têu sùn-chiak ke nèn-lit: Kî-têu voi fung ngài ke miàng kiuk-kúi; kóng sîn ke lìn-ngî; 18 yung sú chok sà; lîm-tó yû thûk ke tûng-sî ya mò-voi su sông-hoi; on-sú chhai phiang-ngìn sùn-song, phiang-ngìn chhiu voi tet-tó yî-chhü."

Lu-kâ 4:18 Chú ke Lìn lìm-to ngài, yîn-vi Kî yung yù kò ngài, lòi kién-sién ngài, ham ngài hiong khiùng-khú ke ngìn chhòn fuk-yîm. Kî phai ngài lòi sién-pu: Pûn-ngìn chok ke, tet-tó süt-fong; mô-muk ke ngìn, tet-tó kông-mìn; oi ngài sú su ap-chü ke tet-tó chhü-yù;

Lu-kâ 4:40 Ngit-thèu lòk-sân ke sù, chhin-tô pot kok-chúng phiang ke ngìn pûn chhîn-yû tai-lòi kien Yâ-sû; Yâ-sû yit-yit vi kî-têu on-sú, yî-hó kî-têu.

Lu-kâ 5:15 Chúng-he, Yâ-sû ke miàng-sâng kín chhòn kín yén. Yû chhin thai-khiùn ke ngìn sòng-sòng chhi-sip, oi thâng kî kóng-tho, ya hî-mong kî yî-hó kî-têu tông-chûng ke phiang-ngìn.

Lu-kâ 5:17-25 Yû yit-ngit, Yâ-sû chhai kau-thô ngìn ke sù, yû-têu tui Kâ-li-li ke kok hiông-chún lâu Yû-thai, Yâ-lu-sat-lâng lòi ke Fap-li-soi-ngìn thùng kîn-hók kau-sù ya chhô chhai sùn-thèu. Chú ke nèn-lit thùng Yâ-sû khiung-ha, pûn kî voi yî-hó phiang-ngìn. 18 Yû kí-ke ngìn, kông yit-ke soi chhai mùn-piông-tâng ke thân-fûng phiang-ngìn lòi, sióng-oi chiông kî kông to vuk-tú hi, piong chhai Yâ-sû ke mien-chhièn. 19 Chúng-he, yîn-vi ngìn tông tô, kî-têu mò fap-thu kông kî ngip-hi, chhiu chiông kî kông to vuk-tâng hi, chhak-khôi ngá-è, chiông kî lièn mùn-piông chhui-to ngìn-khiùn chûng, piong chhai Yâ-sû ke mien-chhièn. 20 Yâ-sû khon-tó kî-têu ke sin-sâm, chhiu tui thân-fûng phiang-ngìn kóng: "Phèn-yû, ngì ke chhui tet-tó sa-miên lé." 21 Ke-têu kîn-hók kau-sù lâu Fap-li-soi-ngìn ngi-lun kóng: "Liá-ke ngìn he má-ngìn? Ngióng-pân kám-kóng vú-yûk Song-ti ke fa! Chhù-liáu Song-ti yî/ngoi, má-ngìn yû sa-chhui ke khièn-piang nè?" 22 Yâ-sû tî kî-têu sióng má-ke, chhiu tui kî-têu kóng: "Ngì-têu ngióng-pân án-nghiòng sióng nè? 23 Tui liá-ke ngìn kóng: 'Ngì ke chhui tet-tó sa-miên' yùng-yi nè? Ya-he kóng: 'Hong-hí-lòi hàng' kha yùng-yi nè? 24

Liá-ha ngài oi tui ngì-têu chyun-mìn, Ngìn-chú chhai thi-song yû sa-chhui ke khièn-piang." Chhiu tui thân-fûng phiang-ngìn kóng: "Ngài fûn-fu ngì hong-hí-lòi, khià ngì ke mùn-piông chón-hi vuk-hâ!" 25 Ke-ngìn chit-sù chhai thai-kâ mien-chhièn hong-hí-lòi, khià chhu-kâ só soi ke mùn-piông chón-hi, kûi-lu siung-chan Song-ti.

Lu-kâ 6:17-19 Yâ-sû lâu sú-thù hâ-sân heu, thùng chhin tô hók-sâng khiung-ha khî chhai yit-ke phiàng ke só-chhai. Yû yit thai-khiùn ke ngìn tui Yù-thai chhiòn-thi, Yâ-lu-sat-lâng lâu hói-sùn ke sàng-sú Thai-ngì, Sî-tun tén thi-fông lòi-to ke-vi, 18 oi thâng kì kóng-tho, ya hî-mong kì yî-hó kì-têu tông-chûng ke phiang-ngìn; lièn ke-têu pûn sià-lìn met-sa ke ya lòi, pin tet-tó yî-hó. 19 Thai-kâ lûng-chúng sióng-oi miâ kì, yîn-vi yû nèn-lit tui kì sún-song chhut-lòi, yî-hó kì-têu.

Lu-kâ 7:21,22 Ke-sù, Yâ-sû tú-tú yî-hó chhin-tô pot-phiang, chhàn-chong, lâu pûn sià-lìn fu-sûn ke ngìn, ya sú chhin-tô mô-muk-ke khon-tet-tó. 22 Só-yî, kì en kì-têu kóng: "Ngì-têu chón-hi, chiông ngi-têu só khon-tó, só thâng-tó ke, po-ko Yok-hon, chhiu-he: Mô-muk-ke khon-tó, pài-kiok-ke hàng-lu, pot thái-kô ke tet-tó chhiang-li, ngí-lûng-ke thâng-tó, sí-ngìn fán-sâng, khiung-khú-ngìn thâng-tó fuk-yîm.

Lu-kâ 8:2 Nang-ngoi hàn yû-têu fu-ngìn-kâ, chhiòn-phu he sút yîn-vi sià-lìn fu-sûn ya-he pot-phiang pûn Yâ-sû yî-hó ke; khì-chûng yû Mat-thai-lâ ke Mâ-li-â, kì sún-song sút yû chhit-ke kúi pûn Yâ-sû kiuk chhut-hi;

Lu-kâ 9:2 yèn-heu phai kì-têu chhut-hi chhòn Song-ti koet ke fuk-yîm, ya yî-chhu phiang-ngìn.

Lu-kâ 9:11 Chung-ngìn yit tî, chhiu thèn-tén kì hi. Yâ-sû chhiu fôn-ngiàng kì-têu, tui kì-têu kóng-lun koân-he Song-ti koet ke sú, yu yî-hó ke-têu sî-yeu yî ke ngìn.

Lu-kâ 13:12 Yâ-sû khon-tó kì, chhiu ham kì, tui kì kóng: "Fu-ngìn-kâ, ngì ke phiang lì-khôi ngì lé!"

Lu-kâ 13:32 Yâ-sû en-kóng: "Ngì-têu hi lâu ke-chak fù-lì kóng: 'Ngì khon! Kîm-pû-ngit lâu thiêng-kông-ngit ngài oi kiuk-kúi lâu yî-phiang, thi-sâm-ngit ngài chhiu oi vàn-sùn ngài ke kûng-chok.'

Yok-hon 5:8,14 Yâ-sû lâu kì kóng: "Hong-hí-lòi, chiông ngiâ chhó-chhiâk nâ-hí-lòi hàng!" 14 Sú heu, Yâ-sû chhai sún-thien-tú chhìm-tó kì, lâu kì kóng: "Ngì yî-kîn vàn-chhiòn hó lé, m-hó chai fam-chhui, miên-tet ngiâ-tó hàn-kha thai ke châi-fo."

Yok-hon 14:12 Ngài sút-chhai lâu ngì-têu kóng, sin ngài ke ngìn ya voi cho ngài só-cho ke sú, súm-chú oi cho hàn-kha thai ke sú; yîn-vi ngài oi hi Â-pâ ke-vi.

Sú-thù hàng-chhon 3:6 Pí-tet tui kì kóng: "Kîm-ngiùn ngài chhiòn-phu mò, chûng-he ngài oi chiông ngài só yû ke pûn ngì: Ngài fung Nâ-sat-lét-ngìn Yâ-sû Kî-tuk ke miàng fûn-fu ngì, hong-hí-lòi hàng!"

Sú-thù hàng-chhon 5:15,16 Yîn-vi sú-thù hàng chhin-tô sún-chiak, yû-têu ngìn chhiu chiông phiang-ngìn kông-to kiê-lu, piong chhai mìn-chhòng-táng ya-he

chhó-chhiák-táng, hî-mong Pí-tet hàng-ko-hi ke sù, kì ke yáng-è voi châ-tó yit-têu ngìn ke sún-song. 16 Hân-yû yit thai-khiùn ngìn tai-tén phiang-ngìn lâu sià-lìn fu-sûn ke ngìn, tui Yâ-lu-sat-lâng fu-khiun ke hiông-chún lòi; liá-têu phiang-ngìn chhiòn-phu tet-tó yî-hó.

Sú-thù hàng-chhon 10:38 Ngì-têu ya thâng-ko: Song-ti he ngoóng-pân yung Sûn-Lìn lâu nèn-lit chhûng-mân Nâ-sat-lét-ngìn Yâ-sû. Kì hi-to tak só-chhai hàng hó-sû, yî-hó só-yû pûn Mô-kúi khúng-chû ke ngìn, yîn-vi Song-ti lâu kì thùng-chhai.

Sú-thù hàng-chhon 19:11,12 Song-ti thûng-ko Pó-lò hàng yit-têu fî-sòng hî-khì ke sún-chiak; 12 sum-chu yû-ngìn nâ kì yung-ko ke sú-kîn ya-he vî-sûn-khiùn hi piong chhai phiang-ngìn ke sún-song, ya voi sú phiang-thung sêu-chhù, sú sià-lìn tui só fu-sûn ke ngìn sún-song chhut-lòi.

Lò-mâ 8:26 Khiung-yong, ngài-têu ke ngoón-ngoik yû Sûn-Lìn pông-chhu. Ngài-têu pún-lòi mì tî oi ngoóng-pân khì-tó; chung-he, Sûn-Lìn chhîn-chhû yung kóng mì-chhut ke than-sit lòi vi ngài-têu tui Song-ti khì-khiù.

1 Kô-lím-tô 12:9 Khiung yit-vi Sûn-Lìn su liá-ke ngìn sin-sâm, su nang-nghi yit-ke ngìn yî-phiang ke nèn-lit;

1 Kô-lím-tô 12:28 Chhai kau-fi tî-poi, Song-ti só ôn-phài ke, thi-yit he sú-thù, thi-ngi he sién-tî, thi-sâm he kau-sû; chiap-hâ-hi he hàng sún-chiak ke, yû yî-phiang ên-su ke; hân-yû pông-chhu ngìn ke, kón-lî sú-vu ke, pin kóng súk-lìn ngî-ngièn ke.

Fî-lip-pí 2:27 Kì yû-yáng sút pot-phiang, hiám-hiám sí-thet. Chung-he Song-ti lín-mén kì, mì tân-chhiang lín-mén kì, ya he lín-mén ngài, pûn ngài mì-sû tù-tó kien-tô ke yù-sông.

Ngâ-kok 5:14 Ngì-têu chûng-kiên yû-ngìn pot-phiang mò? Kì yin-tông chhiáng kau-fi ke chóng-ló lòi vi kì khì-tó, fung Chú ke miàng vi kì mat-yù.

1 Pí-tet 2:24 Kî-tuk chhai súp-sû-ka-táng chhîn-sûn tâm-tông ngài-têu ke chhui, pûn ngài-têu ki-yèn chhai chhui-ok-song sí, chhiu vi-tó kûng-ngi lòi sâng. Yîn-vi kì só-su ke pién-sông, ngì-têu chhiu tet-tó yî-chhû. (Yî-soi-â 53:5)

3 Yok-hon 1:2 Chhîn-oi ke phèn-yû, ngài chuk-fuk ngì sú-sû sun-li, sún-thí yúng-khien, chhiong ngì ke lín-sin khiung-yong án yúng-khien.

Exodus 15:26; Deuteronomy 7:15 not get diseases of Egypt.

Yî-soi-â 58:8 God heal speedy.

Yâ-li-mí 30:17; 33:6 God heals